



საჯარო სამართლის იურიდიული პირი-

განათლების ხარისხის განვითარების
ეროვნული ცენტრის დირექტორის

ბრძანება № 167

06 03 2018წ.

ქ. თბილისი

საჯარო სამართლის იურიდიულ პირ - განათლების ხარისხის განვითარების ეროვნულ ცენტრში
სტაჟიორთა შერჩევის მიზნით კონკურსის გამოცხადების შესახებ

საჯარო სამართლის იურიდიული პირის - განათლების ხარისხის განვითარების ეროვნული ცენტრის (შემდგომში - ცენტრი) საერთაშორისო განათლების სამსახურის უფროსის, 2017 წლის 15 ოქტომბრის №1259534, საერთაშორისო განათლების სამსახურის უფროსის მოვალეობის შემსრულებლის, 2018 წლის 22 იანვრის №50244, საქმისწარმოების სამმართველოს უფროსის, 2017 წლის 27 დეკემბრის №1587835, პროფესიული და უმაღლესი განათლების დარგობრივი საბჭოების ადმინისტრაციული მხარდაჭერისა და შესაძლებლობების გაძლიერების პროგრამის მენეჯერის, 2018 წლის 02 თებერვლის №112475, ადამიანური რესურსების სამმართველოს კოორდინატორის, 2018 წლის 05 თებერვლის №117324, უმაღლესი განათლების ხარისხის უზრუნველყოფის სამსახურის უმაღლესი საგანმანათლებლო დაწესებულებების აკრედიტაციის სამმართველოს უფროსის 2018 წლის 27 თებერვლის №226629, ზოგადი განათლების ხარისხის უზრუნველყოფის სამსახურის უფროსის, 2018 წლის 02 მარტის №251898 და რეესტრის სამმართველოს უფროსის, 2018 წლის 05 მარტის №253158 სამსახურებრივი ბარათების გათვალისწინებით, საქართველოს განათლებისა და მეცნიერების მინისტრის 2016 წლის 10 ივნისის №67/ნ ბრძანებით დამტკიცებული „საქართველოს განათლებისა და მეცნიერების სამინისტროს სისტემაში სტაჟირების გავლის წესის“ მე-8 მუხლის მე-2 პუნქტისა და მე-11 მუხლის პირველი და მეორე პუნქტების, საქართველოს განათლებისა და მეცნიერების მინისტრის 2010 წლის 14 სექტემბრის №89/ნ ბრძანებით დამტკიცებული „საჯარო სამართლის იურიდიული პირის - განათლების ხარისხის განვითარების ეროვნული ცენტრის დებულების“ მე-5 მუხლის პირველი პუნქტის „კ“ და „ნ“ ქვეპუნქტების საფუძველზე,

ვ ბ რ ძ ა ნ ე ბ :

1. ცენტრის საერთაშორისო განათლების სამსახურში, საქმისწარმოების სამმართველოში, რეესტრის სამმართველოში, ზოგადი განათლების ხარისხის უზრუნველყოფის სამსახურში, პროფესიული და უმაღლესი განათლების დარგობრივი საბჭოების ადმინისტრაციული მხარდაჭერისა და შესაძლებლობების გაძლიერების პროგრამაში, უმაღლესი განათლების ხარისხის უზრუნველყოფის სამსახურის უმაღლესი საგანმანათლებლო დაწესებულებების აკრედიტაციის სამმართველოში, და ასევე,

ადამიანური რესურსების სამმართველოში სტაჟიორების შერჩევის მიზნით, 2018 წლის 06 მარტიდან 2018 წლის 20 მარტის ჩათვლით, გამოცხადდეს კონკურსი.

2. სტაჟიორობის კანდიდატი უნდა აკმაყოფილებდეს შემდეგ მოთხოვნებს:

ა) სწავლობდეს საქართველოს ავტორიზებულ უმაღლეს საგანმანათლებლო დაწესებულებაში, ბაკალავრიატის საგანმანათლებლო პროგრამაზე, იყოს დამამთავრებელი სემესტრის (ბოლო ორი სემესტრის) სტუდენტი და ჰქონდეს მაღალი აკადემიური მოსწრება, ან სწავლობდეს სამაგისტრო ან სადოქტორო საგანმანათლებლო პროგრამაზე;

ბ) იყოს ავტორიზებული უმაღლესი საგანმანათლებლო დაწესებულების კურსდამთავრებული, რაც დასტურდება შესაბამისი უმაღლესი განათლების დამადასტურებელი დოკუმენტით - დიპლომით;

გ) იყოს საქართველოს ქმედუნარიანი მოქალაქე, რომელსაც განათლება მიღებული აქვს კანონმდებლობით დადგენილი წესით აღიარებულ, უცხო ქვეყნის უმაღლეს საგანმანათლებლო დაწესებულებაში, რაც დასტურდება ცენტრის მიერ გაცემული დოკუმენტით უცხოეთში მიღებული განათლების აღიარების შესახებ.

დ) კარგად იცოდეს კომპიუტერული (საოფისე) პროგრამები (Ms. Word, Ms. Excel);

ე) უცხო ენის (რუსული ან ინგლისური) კარგად ცოდნა.

3. კონკურსში მონაწილე სტაჟიორობის კანდიდატს უნდა ჰქონდეს:

ა) მაღალი პასუხისმგებლობის გრძნობა;

ბ) წერილობითი და ვერბალური კომუნიკაციის უნარი;

გ) დეტალებზე ორიენტაციის უნარი.

4. სტაჟიორების მიერ შესასრულებელი სამუშაოს აღწერა:

ა) სტაჟიორების ხელმძღვანელის ცალკეული დავალებებისა და მითითებების შესრულება;

ბ) შესაბამისი სტრუქტურული ერთეულის ხელმძღვანელის დავალებით თანამშრომლების მიერ თავიანთი სამსახურებრივი უფლებამოსილების განხორციელებასთან დაკავშირებულ საქმიანობაში დახმარების გაწევა.

5. სტაჟიორთა შესარჩევი კონკურსი გამოცხადდეს:

ა) ცენტრის საერთაშორისო განათლების სამსახურში - 5 (ხუთი) ადგილზე;

ბ) ცენტრის საქმისწარმოების სამმართველოში - 3 (სამი) ადგილზე;

გ) ცენტრის რეესტრის სამმართველოში - 4 (ოთხი) ადგილზე, აქედან: სტაჟიორად მიიღებიან პირები, რომელთა კვალიფიკაცია ან საგანმანათლებლო პროგრამა, სადაც სტაჟიორები სწავლობენ არის: სამართალი, ინჟინერია (დარგი: კომპიუტინგი/ინფორმატიკა), განათლება (დარგი: განათლების მეცნიერებები);

დ) ზოგადი განათლების ხარისხის უზრუნველყოფის სამსახურში - 1(ერთი) ადგილზე, აქედან: სტაჟიორად მიიღებიან პირები, რომელთა კვალიფიკაცია ან საგანმანათლებლო პროგრამა, სადაც სტაჟიორები სწავლობენ არის: განათლების მეცნიერებები;

ე) პროფესიული და უმაღლესი განათლების დარგობრივი საბჭოების ადმინისტრაციული მხარდაჭერისა და შესაძლებლობების გაძლიერების პროგრამაში - 2(ორი) ადგილზე;

ვ) ადამიანური რესურსების სამმართველოში - 1(ერთი) ადგილზე;

ზ) უმაღლესი განათლების ხარისხის უზრუნველყოფის სამსახურის უმაღლესი საგანმანათლებლო პროგრამების აკრედიტაციის სამმართველოში - 1 (ერთ) ადგილზე.

6. სტაჟიორების ვადა განისაზღვროს 3 თვიდან - 6 თვემდე.

7. კონკურსი ჩატარდეს ორ ეტაპად:

ა) განცხადების გადარჩევა;

ბ) გასაუბრება.

8. საკონკურსო განაცხადების განხილვა და საკონკურსო კომისიის მიერ საბოლოო გადაწყვეტილების მიღება მოხდება, კონკურსანტების განაცხადის შემოტანის დასრულებიდან არაუგვიანეს 2 თვისა.

9. დაევალოს ცენტრის ადამიანური რესურსების სამმართველოს ვებგვერდის - www.hr.gov.ge მეშვეობით კონკურსის გამოცხადებისა და ცენტრის ოფიციალურ ვებგვერდზე - www.eqe.ge ინფორმაციის განთავსების უზრუნველყოფა;

10. კონკურსში მონაწილე კანდიდატებმა, ვებგვერდის - www.hr.gov.ge მეშვეობით, აუცილებლად უნდა ატვირთონ:

ა) ცნობა უმაღლესი საგანმანათლებლო დაწესებულებიდან ან განათლების დამადასტურებელი დოკუმენტის ასლი;

ბ) ავტობიოგრაფია - (CV) ქართულ ენაზე;

გ) 2 (ორი) რეკომენდატორის ვინაობა და საკონტაქტო ინფორმაცია.

11. დაევალოს საქმისწარმოების სამმართველოს კანონმდებლობით გათვალისწინებული ღონისძიებების, მათ შორის, ამ ბრძანების დაინტერესებულ პირთათვის გაცნობის უზრუნველყოფა.

12. ბრძანება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (მის.: ქ. თბილისი, დავით აღმაშენებლის ხეივანი, 12 კმ., №6) კანონმდებლობით დადგენილ ვადაში და წესით.

დირექტორი



თამარ სანიკიძე